



# Kantonalno javno komunalno preduzeće "RAD" d.o.o.

Paromlinska 57, 71000 Sarajevo, Bosna i Hercegovina

Telefon: Centrala 033/658-038; Fax: 033/656-812 ; Eko telefon: 033/660-000

E-mail: jkpradsa@bih.net.ba; Web: www.rad.com.ba; Viber i WhatsApp poruke: 062/220-330

ID broj: 4200316890001, PDV broj: 200316890001, Poreski broj: 0170010500, Šifra djelatnosti: 38.11

Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg.broj 1-1819

Broj: 24252/23.

Datum, 05. 12. 2023.

Na osnovu člana 12. Zakona o javnim preduzećima u FBiH („Službene novine FBiH, br. 8/05, 81/08, 22/09 i 109/12), člana 48. Statuta KJKP „RAD“ d.o.o. Sarajevo-prečišćeni tekst, br. 1498/23 od 20.01.2023. godine i Odluke Nadzornog odbora, broj: 24251/23 od 05.12.2023. godine, Nadzorni odbor KJKP "RAD" d.o.o. Sarajevo, raspisuje:

## KONKURS za izbor i imenovanje direktora KJKP „RAD“ d.o.o. Sarajevo

### I Predmet konkursa

Raspisuje se konkurs za izbor i imenovanje direktora KJKP „RAD“ d.o.o. Sarajevo.

### II Mandat

Mandat direktora Preduzeća je četiri godine.

Isto lice može biti imenovano za direktora Preduzeća više puta bez ograničenja.

Položaj, ovlaštenja, odgovornosti i druga prava direktora Preduzeća uređuju se ugovorom između Nadzornog odbora i direktora Preduzeća u skladu sa važećim propisima.

### III Opis pozicije

Direktor je odgovoran i nadležan da:

- predsjedava Upravom;
- zastupa i predstavlja Preduzeće i odgovara za zakonitost poslovanja i rada u Preduzeću;
- rukovodi procesom rada i poslovanjem Preduzeća;
- predlaže razvojnu i poslovnu politiku;
- predlaže i poduzima mjere, izdaje naloge i uputstva, kojima se osigurava funkcionisanje i sigurnost Preduzeća;
- donosi pojedinačne akte u skladu s općim aktima Preduzeća;
- izvršava i osigurava provođenje odluka organa Preduzeća;
- odlučuje o potrebi za radom i raspoređivanju radnika;
- odlučuje o razvoju ljudskih resursa, edukaciji, o potrebi zapošljavanja novih radnika, u skladu s planovima poslovanja;
- potpisuje akte koje donosi Uprava;
- odlučuje o službenim putovanjima izvršnih direktora i radnika;
- odlučuje o pravima i odgovornostima radnika u skladu sa zakonom, kolektivnim ugovorima i pravilnicima;
- zaključuje ugovore i poduzima druge pravne radnje u skladu sa zakonom;
- donosi cjenovnik za usluge koje nisu u nadležnosti Vlade Kantona.



#### **IV Uslovi za imenovanje:**

##### **a) Opći uslovi**

1. da je državljanin Bosne i Hercegovine (dokaz: uvjerenje o državljanstvu ne starije od 3 mjeseca, original ili ovjerena kopija istog),
2. da je osoba starija od 18 godina (dokaz: Izvod iz matične knjige rođenih, original ili ovjerena kopija istog)
3. da je zdravstveno sposoban za obavljanje poslova na koje se prijavljuje (dokaz: ljekarsko uvjerenje, original ili ovjerena kopija)
4. da nije osuđivan za krivično djelo i za prekršaj nespojiv s funkcijom direktora Preduzeća, 5 godina od dana pravosnažnosti presude, isključujući vrijeme zatvorske kazne (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca),
5. da mu presudom nije zabranjeno obavljanje aktivnosti iz nadležnosti Uprave (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca),
6. da ne vrši funkciju predsjednika ili člana nadzornog ili upravnog odbora u drugom Preduzeću sa većinskim državnim kapitalom ili instituciji (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca);
7. da ne vrši funkciju u političkoj stranci (dokaz: potpisana izjava ovjerena od strane nadležnog općinskog organa, ili od strane notara, ne starija od 3 mjeseca);
8. da nema privatni finansijski interes u KJKP „RAD“ d.o.o. Sarajevo (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca),
9. da se na kandidata ne odnosi član IX 1. Ustava Bosne i Hercegovine (dokaz: potpisana izjava od strane nadležnog općinskog organa ili od strane notara, ne starija od 3 mjeseca),
10. da nije izabrani zvaničnik, nosilac funkcije ili savjetnik koji obavlja javne funkcije u institucijama vlasti (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca),
11. da ne postoje druge zakonske smetnje za obavljanje funkcije direktora Preduzeća (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca).

##### **b) Posebni uslovi:**

- da ima VSS - VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova) ili drugog ili trećeg ciklusa Bolonjskog sistema studiranja, fakultet tehničkog smjera ili društvenog smjera;
- da ima najmanje 8 (osam) godina radnog iskustva u struci, od čega najmanje 5 (pet) godina na rukovodnim poslovima, nakon sticanja univerzitetske diplome, odnosno visokog obrazovanja (dokaz: Potvrda ili Uvjerenje Poslodavca o obavljanju poslova u svojoj struci ili Uvjerenje nadležnog Zavoda za penziono invalidsko osiguranje ili Porezne uprave sa Potvrdom o tumačenju šifre zanimanja, original ili ovjerena kopija. Potvrda ili Uvjerenje Poslodavca treba da sadrži ime i prezime, opis posla, stepen stručne spreme i vremenski period obavljanja istog);
- da u pisanoj formi ponudi program rada i razvoja Preduzeća u mandatnom periodu (dokaz: Program rada i razvoja Preduzeća);
- da ima iskustvo i stručna znanja od značaja za rad i poslovanje KJKP „RAD“ d.o.o. Sarajevo (dokaz: potpisana izjava ovjerena od strane nadležnog općinskog organa ili od strane notara, ne starija od 3 mjeseca);
- da je prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova nadzornog odbora i uprava privrednih društava sa učešćem državnog kapitala iz nadležnosti Kantona Sarajevo („Službene novine Kantona Sarajevo“ broj: 34/19), odnosno da preuzima obavezu da usavršavanje obavi u roku predviđenom navedenom Uredbom (dokaz: ovjerena kopija Certifikata o završenom usavršavanju izdata od strane nadležnog organa/Komore ili Izjava potpisana i ovjerena od strane nadležnog organa kojom kandidat izjavljuje da preuzima obavezu da usavršavanje obavi u roku predviđenom Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala).



## **V Potrebni dokumenti:**

Kandidati su dužni dostaviti:

- potpisanu prijavu na Konkurs;
- CV sa adresom i kontakt telefonom;
- dokumente kojima se dokazuje ispunjavanje općih i posebnih uslova iz tačke IV original ili ovjerena kopija po definisanim tačkama,

## **Napomena:**

Kandidat koji bude izabran za direktora Preduzeća, a prije zaključivanja ugovora, dužan je dostaviti ljekarsko uvjerenje o zdravstvenoj sposobnosti za poziciju direktora za koju je konkurisao pri preuzimanju dužnosti direktora.

Komisija za izbor i imenovanje direktora Preduzeća zadržava pravo provjere svih podataka iz izjava i drugih dokumenata kandidata.

Prijave kandidata sa kojima se ne stupi u kontakt u roku od deset dana od dana isteka roka za podnošenje prijava, neće se uzimati u razmatranje u daljem postupku izbora. Komisija će sa kandidatima koji ispunjavaju uslove obaviti intervju.

Pozvani kandidati koji ne pristupe zakazanom intervjuu, smatrat će se da su odustali od Konkursa.

Komisija će Nadzornom odboru dostaviti Izvještaj sa prijedlogom za izbor direktora Preduzeća u roku od 30 dana od dana isteka Konkursa.

Nadzorni odbor može obaviti ponovni intervju sa nekim od kandidata ukoliko ocijeni da postoje razlozi za to.

Nadzorni odbor će izvršiti izbor i imenovanje i obezbijediti javno objavljivanje konačnog imenovanja direktora Preduzeća.

## **VI Rok za podnošenje prijava:**

Konkurs ostaje otvoren 10 (deset) dana, od dana njegovog posljednjeg objavljivanja.

Konkurs će biti objavljen u "Službenim novinama Federacije Bosne i Hercegovine", u jednim dnevnim novinama i na web stranici Preduzeća.

Prijavu sa traženom dokumentacijom dostaviti lično ili preporučeno poštom na adresu:

**KJKP "RAD" d.o.o. SARAJEVO,  
Ul. Paromlinska br. 57, 71000 Sarajevo  
sa naznakom:**

**"PRIJAVA NA KONKURS ZA IZBOR I IMENOVANJE DIREKTORA KJKP "RAD" d.o.o.  
SARAJEVO – OTVARA KOMISIJA"**

Na poledini koverta naznačiti ime i prezime, te adresu podnosioca prijave.

Neuredne, nepotpune i neblagovremene prijave neće se uzeti u razmatranje.

Napomena: Priložena dokumentacija neće se vraćati, osim kandidatima koju su istu dostavili u originalu i na pismeni zahtjev.



Nadzorni odbor KJKP "RAD" d.o.o. Sarajevo